

MONVMENTVM ROMANVM

M b 15

NICOLAO CLAVDIO
FABRICIO PERESCIO

SENATORI AQVENSIS
DOCTRINÆ VIRTVTISQVE CAUSA
FACTVM.

ΑΙΩΝΟΣ

ΟΤΡΑΝΙΗΝ



ΑΤΕΡΜΟΝΟΣ



ΕΒΑΛΛΕ ΤΙΜΗΝ.

R O M Æ

TYPIS VATICANIS MDCCCXXXIX.

SUPERIORVM PERMISSV.

MONUMENTVM
NICOLAI AVDIO
FABRICII
SEN
DOCTRINE
M. T. M.



ΕΠΙΧΕΙΡΙΣΗ
λακόν ἱερ, λακόν δι' ἑξος μὲν χῆμα φέρεται.

ΕΠΙΧΕΙΡΙΣΗ
ΤΥΠΟΓΡΑΦΕΙΟΝ
ΣΤΕΦΑΝΟΥ ΤΕΡΤΙΟΥ

IO. IACOBVS BVCCARDVS
FRANCISCO BARBERINO
VRBANI VIII. PONTIF. MAX.
FRATRIS F. CARDINALI

S. P. D.



N maximo dolore, atque
desiderio Claudij Fabri-
cij, cuius acerba mors, me
ac studia mea grauitè af-
flicxit; hoc demum vior
solatio: quòd satis idonea
mihi inde oblata sit occa-

sio, qua simul in præstantissimum hominem
mortuū, in urbem Romam, ac in te potissimum
EMINENTISSIME PRINCEPS, claram grati ani-
mi mei significationem dare possim. quòd nunc
in isto opere edendo facere, mihi quidem videor.
Eo enim, primum ipsi Perefcio, pro summis
illius virtutibus; sicut pro maximis in me

† 2

meritis,

meritis, quibus aditus in hanc urbem, domum-
que Vestram mihi patefactus est; diuinum im-
mortalitatis donum relatum iri mihi persuadeo:
cum tot egregiorum artificum, hoc est doctissi-
morum hominum Romanorum, nomen ac ma-
num, tuamque insuper auctoritatem, ad summi
viri memoriam posteritati consecrandam, in hoc
monumento agnosco. Romæ autem, velut alteri
patriæ, me plurimum debere fateor, atque etiam
profiteor: præsertim cum is sit animi mei sen-
sus, ut iucundum studiorum meorum, ac tran-
quillitatis, quod in ea per multos annos habeo
domicilium, & honestum vitæ literatæ statum,
omnibus honoribusque faciliè anteponam. Quam-
obrem de hac urbe bene mereri, ut in posterum
spero, ita hic in-præsentia opto, atque etiam co-
nor. quandoquidem in hoc Perescij sepulchro,
præclarum illius elogium incido; & simul gen-
tibus exteris illustrare statuo documentum, quàm
hæc ciuitas, nunc si unquam aliàs, virtutes
atque doctrinas, in cuiuscunque nationis, atque
ordinis hominibus admiretur; debitosque illis
honores tribuere, & velit humanissimè, & ma-
gnificentissimè possit: Ceterum in hoc ipso Mo-
numento; quod homini tibi charissimo, tua vo-
luntate

luntate tuoque ære factum, idcirco tibi dedican-
dum esse putavi ; perpetua apparent meæ in te
ac Barberinam domum, gratæ piæque signa
voluntatis . atqui certe, non essem dignus ijs li-
teris, in quibus liberiùs viuere, mihi per te po-
tissimùm licet ; non liberali illo otio, quod mihi
olim Romæ, pro maximo negotio esse voluisti :
nisi te omni studio atque obseruantia colerem, ac
illustreis tuas, patriuque tui Pontificis Maxi-
mi, virtutes non agnoscerem, & quoad feret
dicendi facultas, prædicarem. Quod quidem eò
libentiùs facio, quò longius meam laudationem,
sicut a necessitate, ita ab adulatione abesse, om-
neis existimaturos cõfido, qui & ingenij rerum-
que mearum conditionem, & singularem tuam
modestiam, præsentemque Reip. Romanæ sta-
tum nouerint. Si quidem hanc ab armatorum
incurfione barbarorum, a fame, pestilentia, ac
vastitate, quæ in vniuersam propè Europam
hodie inuadit ; vestrâ præsertim sapientia, boni-
tate, atque vigilantia, incolumem esse seruata,
S. P. Q. R. monumentis publicis testatus est.
Incolæ vero & peregrini, urbem imperij sedē,
sacris profanisque ædibus, armamentarijs, bi-
bliothecis, theatris, magnificè a vobis ornatam
leti

letī frequentesque, aspiciunt; & quod maximum est, ciuitatem ipsam artibus, studijs, moribusque optimis, ad domesticam vestram disciplinam, non tam imperio quàm exemplo institutam, & quasi eruditam esse admirantur. Atque ea vestrae sunt populares, publicaeque virtutes: ad quas, nos qui te propius contingimus, penitusque cognitum habemus, illas etiam domesticas scimus esse adiunctas: continentiam, atque temperantiam, quae vix in priuati nedum in Principis viri fastigium cadant: & affabilitatem humanitatēque, maximè in exteros homines atque longinquos; quorum videlicet animos a Repub. Romana alienos, sic allicis atque ei reconcilias. Præterire nequeo illud tam singulare, perpetuumque bonarum artium, & Graecarum Latinarumque literarum studium; ut in tanto cumulo, ac pondere negotiorum curarumque, in quarum conscientiam atque consortium, a sapientissimo patruo tuo aduocatus es, aliquam quoque partem cogitationum tuarum, arcanarumque illarum horarum, literis quotidie impertias. Fuitque hæc potissimum causa, unā cum reliquis, & sancta & grauis; quam obrem te unum ex omnibus, olim fecerim faciamque

ciamque plurimi, & in familiaritatem, pote-
 ſtatemque demum tuam venerim. non tam for-
 tunam, ad quam, ut auarus aut ambitioſus quiſ-
 que maximè eſt, ita cupidiffimè conuolat; quàm
 virtutem tuam, meumque iudicium in hoc ſecu-
 tus. Sed vberem adeo gloriæ, laudumque veſtra-
 rum ſegetem, ſi in iſtis epistoſe anguſtijs velim
 concludere, temerè fruſtraque fecerim. Ijs por-
 ro latior dabitur campus, in optimi illius paren-
 tis tui Caroli Barberini vita, cuius hiftoriam
 tibi olim recepi me eſſe conſcribiturum. Tu inte-
 rea, HUMANIſſIME ERVDITIONIſſIMEQUE PRIN-
 CEPS, iſtud mei in te, tuam domum, atque
 ipſam adeo urbem, amoris & obſervantiæ Mo-
 numentum, libens accipe; ac me meaque ſtudia,
 Perſciji morte iſthic iacentia, veſtra commen-
 datione, & veſtro illo favore, quem tu pa-
 truiſque tuus, Pontifex Optimus Maximus, me
 olim ſperare iuſſiſtis, erigite, & ad lætiores tan-
 dem exitus prouehite. Romæ. Idibus April.
 An. C. N. CIO IC CXXXIIX.



NICOLAO CLAVDIO FABRICIO PERESCIO
DOMO. AQVIS. SEXTIIS. PROV. GAL. NARBON
SENATORI. ATQVE. ABBATI
QVI. QVVM. VNIVERSIS. VIRTVTIBVS
QVÆ. LAVDABILEIS. VIROS. EFFICIVNT
NULLI. RETRO. SECVNDVS
ET. IN. LITERAS. HOMINESQVE. LITERATOS
STVDIO. ATQVE. LIBERALITATE
OMNIVM. FACILE. PRIMVS. ESSET
VITAM. HVIC. SÆCVLO. ADMIRABILEM
RARI. APVD. POSTEROS. EXEMPLI
SED. HEV. BREVEM. VIXIT. ANN. LVII.
DECESSIT. DOMI. VII. KAL. IVI. AN. C. N. CIO IO CXXXVII.

ACADEMICI. ROMANI. OB. SVMMVM. EIVS. AMCREM
IN. ANTIQVITATEM. NOMENQVE. LATINVM
FVNEBREIS. HONORES. FREQVENTI. CONCIONE
LAVDATIONEM. ET. CARMINA. FECERVNT
AVTORE. FRANCISCO. BARBERINO. CARDINALI
CVRANTE. IOANNE. IACOBO. BVCCARDO
NOB. PARISIENSI. AMIGO.

DE FVNEBRI CONCIONE
ACADEMICORVM ROMANORVM

Habita in morte Nicolai Claudij

FABRICII PERESCII

EPISTOLA

IOANNIS IACOBI BUCCARDI

AD FRANCISCVM OLEARIVM

Regiarum rationum Litterarum magistrum.



Uæ Romæ acta sint, in Herois il-
lius nostri Perescij morte deco-
randa; eorum narrationem vi-
cissim tibi mitto, vir ornatissi-
me, pro commentariolo, quod
de eius vita ad me scribisti; de
quo magnas tibi habeo gratias,
& quantum possum hic refero. Cum primùm tri-
stis de eius interitu nuncius, mihi a Petro Gas-
sendio v. d. huc allatus est: illicò Francisco Bar-
berino Cardinali autor fui, vt homini de nomine
Romano optimè merito, honorès funebres Ro-
mæ publicè haberentur. id verò nusquam com-
modius præstari possè videbatur, quàm in celebri
illo doctissimorum, cuiuscunque ordinis, ac natio-
nis, hominum conuentu, qui nomen ab Academia
mutuatus, bis singulis mensibus, magno literarum
bono cogitur: vbi nimirum, post orationem ex-

† †

quisiti

DE CONCIONE

quisiti cuiusdam argumenti, ab homine diserto, ex suggesto pronuntiata: reliqui Academici carmina, aliaque scripta elegantiora, magna auditorum frequentia recitant. Ut semel id ab humanissimo Principe Barberino, pro vetere eius, atque singulari, in summum virum benevolentia, consecutus sum: cum Academicis ex illius auctoritate agere non destiti: ut Perescio laudatione frequenti concione, & carmina funebria, ex optimo suo more decernerent. Sed verabantur leges, ijs tantum qui de viuerent, Academiae Principes renunciati fuissent, hunc honorem tribui iubentes: sic ut per annos ferè quadraginta, quibus Academia floret: homines ad summum sex, eo in morte ornati numerentur: Mancinus, qui hunc conuentum primus instituit, Guarinus, Marinus, Caesarinus, Grillius, & Alexander: non solum Academiae, sed Italiae in liberalibus disciplinis, maximè Poetica principes. At istam legum severitatem mitigare, cum maxima in antiquitatem literasque Latinas, Perescij meritis cum Principis Cardinalis voluntas, & humanitas Camilli Columnae, viri eximio literarum studio, aequè atque summa generis nobilitate clari: qui ubi nunc Academiae Princeps est, honorificentissimum Perescio decretum, initis suffragijs fecit. Ut ad diem xii. Kal. Ianuarias Academicorum concio frequentissima, in aula Manciniana de more haberetur: ubi Fabricij imaginem collocari placeret, in edito insignique loco, qui sicuti suggestum, & Principis virumque Academiae moderandae sessio: atque etiam primus subselliorum ordo Cardinalibus destinatus, sericis pulchri coloris velis obtenderetur: reliquis sedilibus similiter atratis. Confessum ita ornat

ACADEMICORVM.

to, Perefcius quàm honorificentiffimè, pro concione laudaretur: munusque iftud, quod pro meâ in hominem chariffimum, atque amantiffimum pietate postulabam, de fententia Francifci Barberini, in cuius poteflate totus fum, deferretur. ceteri verò omnes Academici, carmina funebria, ad magni viri memoriam decorandâ, recitarent. Quæ demum omnia, magnificè, rectè, atque ordine facta funt; cum tanta hominum celebritate, vt eam capere aula non potuerit. iftumque conuentum cohonestabant, doctiffimi atque illuftriffimi ciuitatis viri; in primis Bentiuolus, Cueva, Bifcia, Pamphilius, Pallotta, Brancatius, Aldobrandinus, Francifcus & Antonius Barberini fratres, atque Burghefius; Cardinales non minùs ingenio & doctrina, quàm facerdotij amplitudine, inter ceteros maximè eminentes. Hæc de funebri concione Academicorum Romanorum, te fcire oportere putauì. De carminibus id tantùm dicere habeo, pleraque a clariffimis Urbis Poetis effe fcripta. porro tam de illis tuum efto iudicium, quàm de noftra hac Laudatione: de qua priusquàm fententiam pronuncies, duo te monitum velim; alterum, vt pro certo habeas, in laudibus, quæ de præfiantiffimo viro innumeræ propè, atque incredibiles in ea habentur, nihil a me vel fictum, vel oratoria licentia, fupra veritatis rationem amplificatum; fed omnia proprius effe petita, tam ex tuo de illius vita commentariolo, quàm ex ipfius epiftolis; quas quidem de plurimis quæ Romæ extant, videre mihi licuit. alterum eft, quod etiam te animaduertere vehementer cupio: me fcilicet in hac Laudatione faciendâ, Cicerone magiftro vti potiffimum voluiffet

DE CONCIONE

qui hæc præter cetera, in Orator. Partit. præcepta tradit. ¶ Conſicitur autem genus hoc dictionis, narrandia exponendisq; factis, ſine ullis argumentationibus, ad animi motus leniter tractandos magis, quàm ad fidem faciendam, aut confirmandam accommodatè. ¶ Factorum collocatio triplex eſt: aut enim temporum ſervandus eſt ordo, aut in-primis recentiſſimum quodque dicendum, aut multa & varia facta, in propria virtutum genera ſunt dirigenda. ¶ In toto quaſi contextu orationis, hæc erunt maximè illuſtranda; quemadmodum quiſque generatus, quemadmodum educatus; quemadmodum inſtitutus; moratusque fuerit; & ſi quid cui magnum, aut incredibile acciderit; tum quod quiſque ſenſerit, dixerit, geſſerit, ad ea que propoſita ſunt, virtutum genera accommodabuntur. Item lib. II. de Oratore. ¶ Ea virtus eſſe videtur præſtantis viri, que eſt fructuoſa alijs, ipſi autem laborioſa, aut periculoſa, aut certè gratuita. ¶ Eſt etiam cum ceteris præſtantibus viris comparatio, in laudatione præclara. Præter Ciceronem, atque etiam Cornificium & Quinctilianum, præcipuè Socratem ſum ſecutus; qui apud Platonem ἐπὶ δὲ τῷ λόγῳ, Aſpæſiæ magiſtræ ſuæ funebrem orationem, in exemplum perfectè abſolutum proponens; qualis demum materies, finisque eius eſſe debeat, his verbis declarat. δὲ δὲ τοῦτο πρὸς λόγου ὅτις τοῖς μὲν τῇ δυνάμει καὶ τῇ ἐκείνου ἐπαμύνη, τοῖς δὲ ἑωσὶν ἀμύνη παραινέται ἐκγόνοις μὲν καὶ ἀδελφοῖς, μεμνηδαὶ τὴν πάντῃ ἀρίστην αἰσθάνειαν καὶ δόμον. Cum igitur locupletior mihi quaerendus autor, quàm Socrates minimè videretur; hanc Platonis Laudationem, ſicut antiquas illas huius planè ſimiles, Thucydidis, Lyſiæ, Iſocratis, atque Demoſthenis, quas præcipuè imitaretur elegi. Quæ quidem ſimplices magisque hiſtoricæ, quam oratoricæ videntur narrationes, re-

rum

rum ab ijs qui laudantur, præclarè gestarum: nec
 flosculis aculeisque luxuriant, sed iucundissimum
 laudis, virtutumque fructum præbent; quas viui in
 mortuis admirati, sibi acquirere, ac Reipublicæ de-
 mum præstare conentur. Ea certe mens nostra
 fuit; de qua pergratum facies, si significaueris, qua-
 lis tandem fuerit existimatio, non tui solum, sed
 veteris doctissimorum Puteanorum Academiae, ac
 nouæ illius, quam Ioannes Armandus Plessseius Ri-
 chelii, sapientissimus Cardinalis, Duxque item
 fortissimus; Dei beneficio ad Rempublicam, literas-
 que amplificandas natus; præclarè instituit, atque
 in dies magnificè ornat. Tu verò interea, Nicolai
 Claudij Fabricij Perescij, *re maxime* memoriam,
 qua soles pietate colere perge; & Petrum Galsen-
 dium etiam atque etiam vrge, vt suos de eius vi-
 ta commentarios, quàm maximè copiosos, atque
 perpolitos ocyus emittat. Sed in-primis a Rigal-
 tio & Balsaco, hominibus in literis quibus dedi-
 ti sunt, summis atque perfectis; omni studio con-
 tende, vt æternis elegantissimorum scribtorum suo-
 rum monumentis, Heroem nostrum velint, ad im-
 mortalitatem consecrare. Vale. Romæ. Kalendis
 Ianuarijs. An. c. n. CIO IO CXXXVIII.



IMPRIMATUR S. V. R. M. S. P.

IO. BAPT. EPISC. CAMER. VICES-GERENS.

Ioannis Iacobi Buccardi Laudationem funebrem, de vita et virtutibus Nicolai Claudij Fabricij Perescij, disertè et eleganter, atque ea prorsus puritate ac candore scriptam, quo summus ille, et incomparabilis vir semper vixerat; Reu.^m P. Nicolai Riccardij, S. A. P. Magistri iussu legi: vt et Epicedia, a clarissimis, ac præstantissimis viris conscripta, hoc est, ipsarum Musarum lacrimas, limpido et erudito Romanæ Academiae humore, in Perescij funere manantes. quæ omnia, ad tanti viri memoriæ posteritati consecrandam, typis excudenda censeo: cum hominis ad bonas literas, artesque iuuandas nati, exemplum sanè illustre ob oculos ponant; neque quidquam in ijs offenderim, quod Catholicæ religionis decretis, vel morum honestati aduersetur.

ROMAE IDIB. MAII MDCCXXXVIII.

LVCAS HOLSTENIVS.

IMPRIMATUR.

FR. NICOLAUS RICCARDIVS S. P. A. MAGISTER.

MI

ε ††

NI



NICOLAVS CLAVDIVS FABRICIVS
DE PEIRESC SENATOR AQVENSIS



JOHN W. CLARK, D.D., F.R.S.
1841-1842

NICOLAI CLAVDII
FABRICII PERESCII
SENATORIS AQVENSIS
LAVDATIO

HABITA IN FVNEBRI CONCIONE

ACADEMICORVM ROMANORVM

A IO. IACOBO BVCCARDO PARISIENSI

ROMÆ XII. KAL. IANVAR.


CICIS CXXXVII.

IN ORATIONEM FVNEBREM
NOBILIS ET DOCTI VIRI IO. IACOBI BVCCARDI

Habitam Romæ in morte viri illustrissimi
Nicolai Claudij Fabricij Perescij,

C A R M I N A.

HENRICI DORMALII.

 Ων πόλειων ὅσον Ἐπὶ ἄλφοϋς, τόσον ἔξαρτος ἀνδρῶν
Φαβέλιος, Κητῶν Φῶς μέγα σβεννύμερον·
Ἀλλὰ καὶ αἰνέει κύρσι τοῖς ἐν λογιῶσι τοῖς ἀείρω,
Ὅς τὸν οἱ ἐπὶ τῶν ἀφῶτος ἐπὶ τῶν λόγων.
Πάντα χαλῶς ἀφ' ἑξῆς Περειοκίρ, ἐπὶ τῶν ἀείρω.
Συύρεια, Βουκάρδος· Κλαύδιος· Ἐπὶ ἄλφοϋς.

*Cardinales decem concionem funebrem
præsentia sua cohonestant.*

K Ἄν δέκα πορευθεῖσιν, Βουκάρδι, στ' ἀμφὶς ἔχουσιν
Πλῆσιν ἱερῶν τῶν σέλας ὅς ἐπὶ τῶν,

*Academici Romani Orationem cum plausu
et admiratione excipiunt.*

A Ἦτος ἔλεν Κητὸς Καππαλώιον, ἐπὶ μὲν ὅπλοις
Ἀείρω, ἀλλ' Ἐρμού ἔπαισιν ἑλλογίμου.



ALF-

ALEXANDRI POLLINI.

A Ternæ in Urbis luce, confessu Patrum
Fauente, Romano ore, cultuque exequi
Potuisse laudes plurimas, & maximas
Extincti acerbo funere, heu, PERESCII,
BVCCARDE, res est magna, factuque ardua.
Sed qua executus ipse, præclaram, auream
Orationem efferre qui possit satis;
Rem magnam & is præstiterit, ac perarduam.

IOANNIS BAPTISTAE DONII.

C Vius fama viri vix toto clauditur Orbe;
Mole perexiguus capit hunc liber: arte sed in-
Cultuque eximius: BVCCARDI prouida cura (gens,
Quem peperit, sæclis diuturnum *μνήμα* futuris.

SCIPIONIS GRANDIMONTII.

PERESCI vt vitam numeris BOCHARDE disertis
Prosequeris, vitæ consulis ipse tuæ.
Vtque viri laudes ad postera sæcula mandas,
Sic te posteritas officiosa colet,
Viuit Alexandri fama Thebanus Apelles,
Viuit Apellæa nec minus ille manu.
Ambo sibi æternum faciunt nomenque decusque,
Ambo sibi reddunt quas meruere vices.
Sic tibi laudati stabit dum fama PERESCI,
Perstabunt numeri, docte BOCHARDE, tui.
Antea clarus eras proprijs splendoribus: at nunc
Clarius adiecto lumine lumen eris.



ODE

ODE D' ALESSANDRO ADIMARI.

STROFE I.

SE la virtù possente,
 Si come è della fama inulta arciera,
 Così fosse nel sen laccio dell' alma,
 Il tuo spirto, o NICCOLA, hor certamente
 Sciolto non batteria l'aura leggiera.
 Ma doue il fato impera,
 Non resiste al suo pondo arco di palma,
 Che fra le palme eterno anco non visse
 Ne Pelide il guerrier nè l' saggio Vlisse.

ANTISTROFE I.

CHi mai d' Ercol più forte,
 O fugò belue, ò Gerione estinse,
 O domò vizi, ò soggiogò Tiranni?
 E pur anch' egli al saettar di Morte
 Ne pelle di leon, nè claua strinse.
 Ma, vincitor, nol vinse
 (Benche nud' ombra) il domator de gli anni:
 Che di chi sà legar Cerbero inferno,
 Quando cade il mortal forge l' eterno.

EPODO I.

SE non gisse a cader trà solchi il grano,
 Ei resterebbe solo:
 S' il buon, come Fenice aprisse il volo,
 Emulata virtù sarebbe in vano:
 E minori, e men belle,
 Se non morisse il dì, parrian le stelle.

STROFE II.

Q Vello splendore interno
 Ch' in tua vita, ò PERES, daua il tuo sole.
 Come ben mille specchi accolti in vno,
 Vincea la vista, insuspidina il senso,
 Ne lasciava capir l'alta sua mole:
 Hor come l'ombra suole
 I rilieui anninuar tra'l bianco, e'l bruno,
 Così de pregi tuoi fra'l morto orrore,
 Più miro i lumi, e più v'inalzo il core.

ANTISTROFE II.

S E de gli alti natali
 (Come Arcade s'è suol) nel Polo oscuro
 Mi gioua di segnar gl'Astri lucenti:
 D'Arianna, e Cefeo chiarezze eguali
 Ne'l Ciel de gli Aui tuoi miro sicuro:
 Vi riconosco Arturo,
 Del tuo senno agitar le Rose ardenti,
 E con la Libra in man, Vergine Dea,
 Del tuo giusto operar vi miro Astrea.

EPODO II.

V Eggio hor come in tua mano ardea la Lira,
 E come dolce, e vago
 Cantava il Cigno, e vigilaua il Drago,
 E in qual parte Orion prendeua la mira,
 E'l Pegaso vi noto,
 Che del tuo nome al Ciel non corse a voto.

STROFE III. 2

L Vngo parlar m'è tolto
 Da nemicò talento, e da fortuna,
 Ch' Ignoranza e Penia non vanno in alto:
 Ma tii, **BVSCIARD**, a tanta lode hor volto,
 Conta tii queste stelle ad vna, ad vna,
 Eloquenza oportuna
 Non mai d' inuidio oblio pauenta affalto:
 Ella è ne' labbri tuoi torrente, e fiume,
 Che l' Eridano in Ciel vince di lume.

ANTISTROFE III.

S E del grand' Asse al pondo
 Soggiace Atlante, e Tolomeo lo tiene
 Dipinto in breue carta, ou' ancor dura;
 Ben atto più di lor, **BVSCIARD**, il Mondo
 Puoi di **NICCOLA** alzar su queste arene:
 Dillo Ciel d' ogni bene;
 Dillo stupor de' nati, e di natura;
 Di, che qual nuquo sole aprendo i rai,
 Nacque mortal, per non morir giamai.

EPODO III.

O Ben felice, e fortunato affetto,
 Che la gloria ha per segno:
 Passa nel conquistarla ogni ritegno,
 Si su naueaskellata, Argo il suo petto,
 E mostra con ragione
 Che doue è l'aureo Vello, inì è Giasone.



NICOLAI CLAUDII

FABRICII PERESCII

LAUDATIO.



PRAEGLARE a vobis, & ex ordi-
 nis, nominisque vestri dignita-
 te factum est. Academici Ro-
 mani, quod clarissimo viro Ni-
 colao Claudio Fabricio Pere-
 scio, Gallorum humanissimo at-
 que doctissimo, publicos in-
 morte honoreis, funebremque laudationem decre-
 uistis. Si enim pius mos ille a maioribus vestris,
 maxime ad eos hominis qui de Republica bene
 meriti essent ornandos, & ad omnem posteritatis
 memoriam commendandos institutus est: tanta
 quidem, ac tam praeclara extant Perescij merita,
 atque ornamenta, in eam Romanae Reipublicae
 partem, quae doctrinae atque humanitatis studia
 complectitur: ut non solum labefactae rei lite-
 rarum inuidiam a Transalpinis nationibus remouisse,
 sed & ipsorum Romanorum gloriam in cole-
 ndis artibus adaequasse, vel potius superasse videatur.
 Omnes enim ex omni aetate, qui in hac ci-
 uitate disciplinas & scientias, vel industria sua il-
 lustrant, vel auctoritate atque liberalitate ornaue-
 runt: si vnum in locum conferantur, cum Pere-
 scio minime videntur comparandi, qui ceteris de-
 nique omnibus virtutibus adeo excelluit, ut etiam
 hoc vno aetas nostra potuerit in omni genere lau-
 dis,

dis, cum antiquitate certare. Quo majus mihi, ac difficilius onus impositum esse video; ut ego scilicet mediocri proptus ingenio, nullo dicendi usu aut facultate, homo peregrinus; in hoc ornatissimo Romanorum, id est disertorum politorumque hominum consensu, de innumeris, ac prope incredibilibus summi viri laudibus, verba faciam. Quod quidem a me nec confidentia, aut temeritate quadam susceptum est; eruditissimi Academici; sed tum mea in vos observantia, qui munus istud honorificentissimo vestro decreto, ad me detulistis; meoque in eos obsequio, qui ut summum in me tenent imperium; ita illorum auctoritatem, meo de me iudicio præferre necesse habui; tum verò maxime benevolentia atque pietate; quæ me ad gratias quas vivo Perescio magnas semper habui; mortuo demum, hoc supremo humanitatis officio referendas, pro eius in me meritorum magnitudine impulit. Cum enim in patria vitam studiis, quibus usque a puero deditus fui; maxime accommodatam, vivere mihi per parenteis non liceret; dum me in forum, & ad curiam nolentem trahunt; Luteria amplissima potentissimaque urbe sponte carens, ad hanc vestram; in voluntarium exilium venire tandem decreui; ex qua nimirum religioneis, legeis, literas; omnem denique rerum omnium cognitionem, omnem vitæ elegantiam, ad nos olim effluxisse, cum librorum lectione cognoueram, tum eadem hæc omnia, nunc sub humanissimo sapientissimoque Pontifice, in eâ magis magisque vigere, ex eruditis nostris hominibus intelligebam. quibus potissimum auctoribus, cum Perescium rerum Romanarum gnarissimum, ex itine-

re conuenissem: is me & liberali hospitio, atque in intimam accepit amicitiam; & cum tam præclaris de huius ciuitatis instituto præceptis, atque ita graui ad literatos primariosque vrbs viros commendatione, Romam ex Prouincia decedentem persecutus est: ut statim sub meum ingressum, non solum populi ingenium, publicosque moreis cognouerim, meque eis accomodari facillime: sed etiã in vestrum omnium; eruditissimi Academici; consuetudinem me insinuauerim; & quod maximum est, in summorum virorum rei & publicæ & literariæ principum familiaritate, eum qui non nisi claris doctisque hominibus esse solet, locum obtinuerim. Quare impius, profecto ne dum ingratus, apud vos ceterosque omnes haberer; cum literatissimos quosque maximè Italos, laudatione post decessum prolequi olim instituerim; si hodierno die omnium doctissimum, mihiq; patriæ, necessitudinis, & beneficij vinculis coniunctissimum virum, laudandi munus, quantumuis arduum ac difficile recusarem. Itaque rem aggrediar magni nominis, magni exempli; nouitatis, admirationisque plenissimam; & quantum eloquentiæ ad id mihi deest; tantundem cum a singulari mea in præstantissimum virum pietate, perceptique ex eius obitu doloris magnitudine; quæ nonnunquam disertos ac copiosos facit: tum a vestra beneuolentia; Patres amplissimi, vosque ceteri ornatissimi viri; vestraque in me attentè audiendo benignitate, mutuari atque adeo supplere conabor.

Nicolai Claudij Fabricij Perescij vitam; quæ supra huius ætatis hominum captum, moremque putanda est; cum illis antiquorum præstantissimis, ac

beatissimis comparanti mihi : vna præ ceteris Titi Pomponij Attici , par adeo & similis visa est : ve eam interea , dum ad alia propero , quæ expectationem de Claudij Fabricij doctrina , literarumque studio , a me ab initio concitatum magis expleant : veluti absolutissimam tabulam vobis proponendam censuerim : in qua expressam Perescij ingenij , virtutumque imaginem videatis . Ambo siquidem nobilibus literarumque studiosis geniti parentibus ; pueritiam in liberalibus doctrinis , sicut adolescentiam in literata peregrinatione , apud externos principes , doctosque viros honoratissimi consumsere . Ambo magnas & amplas in patria gessere amicitias : bonos viros & studiosos , tam ab aliena iniuria , quam a mutua inter se obtreptione , nec non ab egestate vindicare . Domi , in quam uterque omnium ordinum homineis liberaliter inuitavit , plus salis quam sumtus in victu : velut in cultu non affluentem affectauere munditiam . optimis alioquin omnibus rebus usi , familia in primis , ut ne pedissequus quidem quisquam esset , qui non & anagnostæ , & librarij munus pulchrè præstare posset . In Republica , quæ utriusque temporibus varia admodum commutabilisque fuit : ita ambo versati sunt , ut semper optimarum partium essent . honores vero qui in ea sibi patebant , non petierunt : sed ordine quo orti essent , contenti , in veteri vitæ instituto , id est in studijs maximè Philosophiæ atque antiquitatis : suauissimis optimisque moribus , ad senectutem benè beatèque vivere .

Hæc pauca ex multis exempli causa attuli , ut sic deinceps habeatis : omnium Titi Pomponij virtutum , quarum pulcherrima extant in antiquitate
monu-

monumenta; maximè temperantiæ, probitatis, atque prudentiæ laudem, cum Perefcio esse communem. Quamobrem iam ad illas venio, ad quas dudum festinat animus, quæ Claudij Fabricij adeo propriæ, tamque suæ sunt; vt nemo ex omni ætatum memoria, cum ipso de earum gloria contendere, vel in societatem venire possit. nimirum assiduus ac prope incredibilis labor, egregiaque opera, in omnium magnarum rerum, atque artium scientia, literarumque cognitione percipienda: ardens in eas conseruandas amplificandasque studium, acrisque cura: perpetua denique & constans voluntas, in homineis literatos ornandos; & regia in ea omnia liberalitatis magnificentia. In quibus persequendis, ea veritatis simul, ac breuitatis ratio a me habebitur: vt remoto omni insigni orationis ornatu; simplicij ac planè historica narratione, Perefcij studium, liberalitatem, & in commentando scribendoque diligentiam, rei literariæ præstitas, summam exponam.

Gens Fabricia, postquam ex equestri ordine, apud quem per tercentos & amplius annos, militari gloria floruerat, in senatum Aqueensem cooptata est; ita ingenio & doctrina excelluit, vt non solum amplissimæ dignitatis, sed etiam summæ eruditionis, in quartam sobolem propagatæ hereditas, vnâ cum satis lauta literaria supellectile, ad Nicolaum Claudium Fabricium venerit. Qui cum auitas studiorum maximè, atque doctrinarum possessione, non solum tenere, immo etiam aliquid, atque adeo multum illis addere de suo decreuisset: omnem curam summumque posuit, in ornando potissimum, atque amplificando eo instrumento, quo
in

in optimis artibus comparandis, magno prorsus opus est. Quamobrem ubi optimos quosque libros, primum sibi undique colligendos; deinde auro, purpura, omni denique eleganti & magnifico opere ornandos, per egregios artifices, qui suæ domi vivebant, diligenter curasset; illosque omnes diligentius ævoluisset: nihil quidquam habuit antiquius, quàm ut tota Europa peregrinaretur: non solum ad hominum qui tum vivebant, moreis civitatumque instituta noscenda: sed ut tanquam in rem præsentem veniens, eaque demum subiiciens oculis, quæ auditione vel lectione acceperat; vetustiora antiquitatis monumenta acerrimè contempleretur: ac quæcunque inde auferri possent, domum secum in bibliothecam transferret. Quò primum iter dirigeret, Italia se se obtulit: in qua cum ingenia præstantissima & elegantissima, humanissimi optimique mores, leges denique præclaræ atque salutares nunc vigent; tum verò pristinae fortunæ, illorumque omnibus artibus florentissimorum temporum, reliquæ plurimæ supersunt. Lustratis igitur Liguriæ Etruriæque oppidis, ad hanc vestram urbem, velut ad divini humanique imperij domicilium, & antiquitatis atque humanitatis sedem, magno itinere contendit. ubi fora, theatra, templa, thermas, arcus, & cryptas; oculis, pedibusque diligentissime permensus est: sicut obeliscos, columnas, statuas, æra, marmora, gemmas, atque codiceis; omnia denique priscae magnificentiae, artiumque monumenta; quæ in vestrorum murorum ambitu, plura quam in reliquo terrarum orbe, atque illustriora reperiuntur; attrectavit, excussit, & quæcunque potuit, domum abstulit: partim

partim maximo pretio einta; partim oblata data-
 que a doctis hominibus, qui, vt semper Romæ,
 tum maximè studiosissimorum munificentissimo-
 rumque Principum Aldobrandinorum, tempestate,
 plurimi atque humanissimi fuere. quos omneis,
 præcipuè Fuluium Vrsinum, & Lælium Pasquali-
 num, viros in colligendis colendisque antiquita-
 tum reliquijs diligentissimos & maxime industrios;
 ad admirationem, atque amicitiam adolescens Pe-
 rescej virtus, eximiaque doctrina traduxit. Eandem
 expectationem fauoremque Roma Neapolim se-
 cum attulit, dum versatur cum Matthæo Capuano
 Conchanorum Principe, magis literarum amore
 atq; scientia, quàm sūma dignitate generis fortunæq;
 claro; ac Marte Gurgustiola, in supremo consilio
 iv-viro apprimè docto: qui ambo locupletissimos
 omnium rerum antiquarum thesauros domi habe-
 bant. Celebreis præterea Ioannis Baptistæ Portæ,
 atque Ferrantis Imperati ædeis ibi frequentauit:
quorum ille rerum occultarum, & quasi a natura
inuolutarum acerrimus inuestigator, atque inter-
pres: hic custos & conseruator diligentissimus fuit.
 Et cū hisce rebus, non minùs quàm antiquitati
 studium suum, laboremque Perescius impertiret;
 reconditissimum quemque inuestigauit angulum,
 non solum amplissimæ pulcherrimæque vrbs, sed
 & totius felicissimi illius agri Campani; in quo
 iucundum, naturæ mirabilibus illic maximè gauden-
 tis opibus, & antiquæ Græcorum, Romanorum-
 que magnificentæ ac luxuriæ, certamen specta-
 ret. Italiam reliquam, omnemque Galliam Cisal-
 pinam pari diligentia lustrauit: Rauennam ex iti-
 nere diuertens, vt inuiseret, cū funesta illa Go-
 thicæ

thicæ barbariæ trophæa, Romani Imperij ruinis imposita; tum maximè Hieronymum Rubeum, istarum antiquitatum, ac medicinæ scriptorem luculentum. Inde Patauium se contulit, invitatus præsertim fama, quæ de eximia Ioannis Vincentij Pinelli doctrina, eiusque refertissimo omnibus omnium linguarum, atque scientiarum voluminibus Museo, ita tum Europam peragrabat: ut docti homines, antiquos libros in bibliothecam collecturi, vel suos edituri; ex longinquis locis illuc ad eum consulendum venirent. Ibi Perescius aliquandiu moratus est, non tantùm ut in Pinelli domum ac bibliothecam, sed etiam in illius consuetudinem penetraret: in quam se demùm totum dedit: ad eximium eius in literas homineisque literatos ornandos studium, & ceteras omneis viri præstantissimi virtuteis cognoscendas, percipiendasque; quas scilicet imitaretur, & cunctas ipse aliquando rei literariæ, cum maxima ad singulas accessione præstaret. eamque de se spem adeo magnam, ac propè exploratam iam tum illic dederat, ut Paulus Gualdus, vir & suo pte ingenio atque doctrina, & intima Ioannis Vincentij familiaritate clarus; in commentarijs quos de eius vita satis eleganteis conscripsit, de Perescio affirmaverit: Aetatem nostram
 „ si quem Pinello parem ferret, non alium ab eo
 „ fore, qui Patauij vix dum plenam pubertatè egressus,
 „ eo ardore Pinellum, Pinellique studia fuerit
 „ complexus, ut ipsi Gualdo, ceterisque doctioribus viris, miraculo esset. Qui quidem homines eruditi, quotquot Patauij tunc ætatem in literis beatissimè agebant; in primis Pinellus ipse, & Hieronymus Aleander, atque Laurentius Pignorijs, limato iudicio,

dicio, sicut polita doctrina excellentes, & grauissimum hoc egregiæ indolis, à Gualdo tributum Perfectio testimonium, adeo approbauerunt; eamque in illo admirati ita amauere: vt præsentì domum quisque suam, maxima cum hospitalitate patere voluerint; suæque reconditoria, tam quæ in priuatis bibliothecis, quàm in publicis tabularijs, Patauij & Venetijs, vrbe earum ceterarumque rerum abundantia, florentissima seruarietur. ijdem postea absenti; quod plerique etiam ex reliquis Italix, atque adeo Europæ ciuitatibus fecere; de studijs per literas communicauerunt, librosque suos ab ipso, vel in eius nomine edēdos honoris causa miserunt. Sic florēs gratia, & hospitij clarissimorum doctissimorumque hominum, vbi se locupletauit signis, tabulis, nummis, codicibus, ceterisque vetustissimis Italix ornamentis; Germania vltimaque Britannia peregrinari perrexit. Atque ibi quidem plurimas antiquitatis reliquias collegit; nec non existimationē, ac beneuolentiam hominum, non solum in sapientiæ ac literarū studijs, sed etiam in pictura, architectura, ceterisque elegantioribus artibus excellentium; quos Claudius Fabricius, illorum operum elegans spectator, vt olim in Italia, ita cum in illis regionibus coluit, ac sicut ceteros omnes viros doctos, ad suam adiunxit necessitudinem. præcipuè Petrum Paulum Rubenium, & ob rerum antiquarum cognitionem, & picturæ, sculpturæ, architecturæque scientiam; quas ex Italia ad Belgas, primus cum pristino splendore atque dignitate, transtulisse videtur: Marcum Velferum rei publicæ apud Vindelicos; & literariæ in tota Germania constituendæ, studiosissimum Ti. virum: Io-

annem Barclaium, tum in Britannia, magnam ex doctrinae ingenijque elegantia laudem adeptum. Postrema fuit Parisiensis peregrinatio, quam ob librorum optimorum, doctissimorumque hominum copiam ibi affluentem, iterare ei nilum est. Prioris, contulit Iacobo Augusto Thuano, eiusque celeberrimae bibliothecae, ad quam summos viros ex superiori seculo, praestantium ingeniorumque in Gallia feracissimo superstites, Claudius Fabricius videbat ventitantes: qui ipsum Thuanum, velut historiae, ita reliquarum maximarum artium, ac hominum quibus eas profiterentur, principum patronumque optimum, & Gallici imperij, atque maiestatis, acerrimum defensorem, quotidie celebrabant. Post decennium domi consumtum, in recognoscendis literarum, antiquitatisque monumentis, ex tota Europa collectis, iisque in Museum suum, atque in memoriam, quae ipsi propè diuina fuit, redigendis digerendisque: Lutetiam iterum se contulit, ad versandas vorandasque reliquas bibliothecas: Regiam scilicet, Dionysianam, Vindobonensem, & Germanicam, atque Memmiorum: & studiosos illarum cultores inuisendos, quorum veluti noua soboles illic tum florebat: inter quos, hodie excellent: Puteani, fratres humanissimi, qui apud Thuanum filios patrijs ingenij, virtutisque donibus ornatissimos, cognatos suos, non solum eius bibliothecam, sed etiam literas, hominesque ijs deditos, veluti suae tutelae ac fidei, Iacobi Augusti testamento commendatos, quibuscunque rebus possunt, iuuant & mirabiliter ornant: Nicolaus Rigaltius, politiore doctrinae iudicijque elegantia, & incorrupta Latini sermonis integritate, omnis
bus

bus antecellens : cui nos si non dōnq̃ hoc genere
 literarum aliquid profectus ; id totum debere
 gloriari : Petrum Seguerium ; Henricum Meur-
 mium ; atque Hieronymum Bignonium ; viros ma-
 gis doctrina ; eximioq̃ suo in literas studio ; quā
 supremis Gallicæ purpuræ honoribus illustreis ; bra-
 uitatis causa omitto ; Simonem Irelinquo ; Petru-
 m ; Morinum ; Merfennium ; Burdelotium ; & Va-
 lesium ; aliosq̃ propè innumerabiles ; ex summa
 doctrina ; præclarissimiq̃ suis scribitis ; maxime cla-
 ros ; quorum omnium animos ; atque voluntates
 sibi conciliauit Claudius Fabricius ; & ad suos id
 est ad rei literariæ vsus contulit : Atqui vti præ-
 terire nequeo Gulielmum Varillem ; non minus elo-
 quentiæ ac Philosophiæ studiū ; ceterisque maxi-
 mis virtutibus ; quam sanctissima cum hoc nostro
 Attico amicitia ; Marco Tullio comparandum : Is
 ex quo Perescium in Senatum Aquensem ; cuius
 ipsa princeps erat ; legiti continuo in consuetudi-
 nem eius se dedit ; sic ut prorsus vnā illio vixerint
 nec vnquā postea passus sit eum a se separari :
 Quare cum in aula a Rege euocatus esset ; adri-
 nuli signatorij custodiam ; quod summum est apud
 Gallos ; togati hominis fastigium ; tum illuc secum
 duxit ; vnum esse in tota Gallia dignum existians ;
 quem contubernalem ; & consiliorum in Republi-
 ca atque honorum adiutorem sociumq̃ haberet :
 Huius porro gratia ; Perescius nulla fere in re vsus
 est ; nisi in deprecandis amicorum ; hæc est doctis-
 simorum virorum ; aut periculis aut incommodis ;
 & studiorum ratione procuranda ; ad quam præ-
 ter cetera egregia ornamenta ; ad demum maximā
 contulit : ut de autore ; quāmaximè vacillatibrum

codicum copia, Regis nomine compararetur; ad supplendam atque amplificandam Parisiensem bibliothecam: quæ omni tempore, ad omnium usus ita patet; ut ex ea maximè, præclariora antiquarum doctrinarum monumenta, in dies eruantur. Quo autem potissimum beneficio, se a Vario ornatum voluit, id vnum propè fuit; ut vetustissima curiarum, templorumque tabularia, in omnibus Galliæ oppidis, sibi ex eius autoritate inuisere, atque excutere liceret. Cum ab opibus alioquin, & honoribus consecrandis tam esset alienus, ut sæpius repudiauerit a Vario ultro oblatos. qui cum Claudium Fabricium in amplissimum, pristinaeque dignitatis apud Gallos maximè retinentem, Antistitum ordinem cooptari vellet; vix ab eo tandem impetrauit, ut mediocri acciperet sacerdotium. Mortuo Vario, qui suam omnem, ut ita dicam, antiquariam suppellectilem, amicissimo studiosissimoque viro legauit; & testamenti tabulas, illius fidei atque auctoritati commendauit; domum Museumque suum diu desideratum, spectabat Perefcus. cum ecce sub ipsum a Parisiensi aula discessum, ad Romanam denudò ex itinère inuitatur; optatissimo nuntio de noui Pontificis creatione, Maphæi scilicet Barberini Cardinalis. Si quidem hunc, ante pontificalia insignia, perinde ingenij doctrinaeque, ac sanctitatis in Republica Romana principem, ipse tam bene nouerat; procurataque olim simul atque iterum, diuinorū illius poematum editione, alijsque officijs demeruerat; ut cum nuntius, qui Regem ante omnes de ea re certiores facere vellet, obuio Perefcio tantum dixisset, vnum Romanorum Principum eruditissimum, eique

ami-

amicissimum, in mortui Pontificis locum suffectus, ipse continuo, Maphæum ad gubernacula Reipub. sedere intellexit; cum incredibili lætitiæ voluptate. Præuidebat enim literarum studia, in lucem atque splendorem sub doctissimo Pontifice reuocatum iri, studiososque, vel ex ultimis terris, ad aulam Barberinam celebrandam, ornandamque; honorum, ac præmiorum spe aduoluturos. Ad quam temporum literarumque felicitatem, oculis saltem usurpandam, ac Pontificem sui studiosum adorandum, Romam ab amicis non inuitus attrahebatur. Sed professionis causam, ambitionem, a cuius vel suspicione abhorrebat, potius quam officium, visum iri nolebat: & postquam ex Circes insula, tanto labore tandem soluisset, si cantibus Sirenium illiceretur, ut apud eas hæreret veritus est. quare in suam tandem Ithacam, ad optatissimum studiorum portum, se ex longa peregrinatione recepit. Tunc enim uerò Perescij Museum ac tota domus, ex præsentis domini regali propè liberalitate; qua uidelicet non solum in literas, earumque instrumenta ornanda, sed maximè in studiosos homines iuuantos colendosque, deinceps usus est; ipsa Alcinoi Regiâ, & magnificentior, & hospitalior euasit.

Delectum Romanæ aulæ florem, illuc aliquantò post Cl. Fabricij. accessum, secum aduexerat Franciscus Barberinus Cardinalis; qui a Pontifice ad iustissimum fortissimumque Galliæ Regem, Legatus mittebatur. Porro autem hunc, ac nobilem eius comitatum, laute adeo atque splendide accepit Perescius, ut cum ipsis Regibus de magnificentiâ certare visus sit; admiratus veneratusque in iuuentutis Principe, cum maturam patrum Pontificis

pru-

prudentiam, atque sanctitatem: tum maximè singularem literarum scientiam, & erga homines equitatos voluntatè. Atque ob illas adeo excellentèis primarij iuuenis virtutes, ei vsque ad extremum vitæ spatium, ita omnè officium cultumque tribuit: vt nullus ferme ex Gallia in Italiam traiceret, cui non tantùm literas obseruantix sicut eruditionis plenas, ad eum perferendas traderet: sed & libros, plantas, atque animalia rara peregrinaque, ad locupletissimæ bibliothecæ Barberinæ, hortorumque ornamento. Cui vicissim humanissimus Princeps, maximas semper habuit gratias, & eadem epistolarum frequentia, similibusque muneribus retulit. Haud minori obseruantia, ornatissimos & doctissimos quosque, ex celeberrima Legati cohorte coluit Perescius: Cassianum Putéalem ante omnes, virum ob generis, virtutum, atque eruditionis claritudinem, summis laudibus honoribusque dignum, cum quo, morum elegantissimorum, & in optimas artes, earumque cultores, proluxæ naturæ similitudine, sibi coniunctissimo: de omni studiorum suorum ratione, familiariter deinceps communicauit, item cum Ioanne Baptista Donio, qui ob ingenuitatem, aptumque ad omnium magnarum rerum scientiam ingenium, fuit ipsi charissimus. Hæarum amicitiarum ibi tum, sicut Romæ demum aliarum, conciliator fuit Hieronymus Aleander, vir optimis artibus, summisque ornamentis præditus, & ab adolescentia, Fabricij amantissimus, qui nobilem eius, plenamque dignitatis atque sapientiæ domum, præstantissimamque studia, tunc ita miratus est: vt vnum omnium mortalium maximè, atque felicissimum Perescium, palam deinceps

ceps prædicare soleret: sæpiusque cogitauerit, ex
 aula atque ipsa vrbe, ad eius suauitatem, pretio-
 sissimumque literaturæ thesaurum fruendum, Aquas
 Sextias migrare. Quò deinceps omnes principes
 viri, qui Reipublicæ causa, ex Italia in Galliam, vel
 illinc ad hanc prouinciam traiciebant, ex itinere
 diuerterunt: vt hominem conuiderent, penes quem
 erant commentarij, acta, & reconditorum regno-
 rum instrumenta: quique regionum situs, descri-
 ptiones temporum, populorum origines, leges,
 fœdera, bella: Regum virorumque primariorum
 stirpeis, cognationes, atque successiones optime
 nouerat: sic vt nemini fundi, domusque suæ ra-
 tio fuerit, quàm illi orbis nostri status, atque con-
 ditio notior. Omnes item cuiusuis ordinis, ac na-
 tionis homines, magnarum peregrinarumque rerum
 studiosi, illuc se conferebant, ad ipsum celeberrim-
 umque eius Museum inuisendum: in quod præ-
 clara rarique omnia collecta, sub vno aspectu cer-
 nere erat: quorum conspiciendorum causa, antea
 mortales vniuersum tetrarum orbem peragrabant.
 Illa siquidem propè cuncta, secum ex peregrina-
 tionibus domum attulerat: tam ipse Peregrinus,
 quàm frater eius Palamedes Fabricius Vallæusius,
 vir humanissimus: qui ambo in studiorum, dome-
 stici victus, reique familiaris communitate, ita ex-
 tra similitudinem ad senectam vixere: vt nunquam
 alter cum altero in gratiam redierit. Ad ea por-
 ro, noua quotidie comportabantur, non solum ex
 tota Europa, sed ex Asia, Africa, India, atque
 nouo orbe: cum vetus hic noster, eius inexhau-
 sta discendi auiditati non sufficeret: ita vt nemo
 ex ultimis terrarum oris, ad has nostras appelle-
 ret,

ret, quin illuc inueheret plaustra, atque nauigia rerum, natura aut arte admirandarum. has enim in singulos dies ad eum mittebant, homines in celeberrima quaque illarum prouinciarum vrbe, ac portu delecti; quorum opera, ad ea omnia diligentissimè comparanda, infinito sumtu ipse utebatur. Et cum isti homines, sua quantumuis arguta sedulitate, Perescio cumulatè satisfacere nequirent, sæpius ipse alios domo misit, ad omneis maris Ægæi insulas, montem Atho, Byfantium, Alexandriam, & ad miserandas illas Memphis, atque Carthaginis reliquias: qui suo nomine atque ære concquirerent, præter res alias nouitate mirabileis, præcipuè vetustissimos codices, Græcos, Hebraicos, Arabicos, Persicos, Coptos, Æthiopicos; denique cùm cetera Asiaticæ atque Africanæ antiquitatis monumenta, tum maximè priscorum Principum Ægyptiorum corpora, pretiosissimis odoribus, medicaminibusque condita: in quo profectò celebrata illa veterum Pergamenorum, Alexandrinorumque Regum, nec non Gallorum nostratium, in bibliothecas magnificentissimè ornandas studia, regali planè animo æmulatus esse videtur. Ad suam hanc bonarum artium officinam, & sapientiæ virtutisque diuersorium, omneis literarum elegantiorumque artium studiosos, peregrè aduenienteis, non solum benignè admittebat Perescius, & bibliothecæ suæ totum eis explicabat thesaurum; sed diutissimè illic retinebat, honesto ac maximè liberali acceptos hospitio: quibus denum discedentibus, aliquot codices, nummos, & alia, quæ ad eorum studia magis apta videbantur; omnia itè quæ ipsis opus fuerant, ex sua re familiari largissimè

mè dabat: quemadmodum ceteris, propè omnibus literatis hominibus absentibus, sibi nomine tenus notis, quidquid in literaria, atque antiquaria sua, supellectile erat, quod ipsis, in lucubrationibus, adiumento fore arbitraretur, ultro nec petètibus, sæpiusque talium rerum ignaris mittebat. Si quid domi non esset, quod alicubi lateret, ut id quoquo modo ad illos perveniret, suaque deinceps quæ præ manibus haberent opera, polita perfectaue ederent, nulli labori aut impensæ parcebat. Quos verò peregrinationes, rerum antiquarum, aut naturalium perquirendarum causa, parare audiebat; ipsis commendatitias literas, iumenta, atque viaticum de suo curabat: & ad eas suscipiendas, multos ipsè conditionibus ultro oblati inultavit. Omnes denique, quos solo literarum virtutisque studio, & fortunæ iniuria calamitosos esse sciebat; quibus rebus indiguerunt adiuvit, ære alieno oppressos levavit, vel illos optimatibus diligenter comendabat, ac multa illis sæpe impetravit, cum apud omnes paulò humaniores Europæ Principes, maximam gratiam auctoritatemque obtineret: præsertim apud Eminentissimos Celissimosque viros, qui Gallici imperij clauum hodie tenent, quippè qui, pro suo singulari literarum amore, atque scientia, doctos, in oculis, auribus, atque complexu habent: & quæ sua est, regalis magnificentia, atque magnanimitas, eos omnibus omnium ordinum hominibus, in beneficijs honoribusque tribuendis, anteponunt. Beneficæ proluxæque adeo, Pereficij naturæ testis oculos, & ab ea ipsa locupleteis, citare possum: non tantum ex hac urbe, istoque confessu, sed vel ex vltima Syria, immensaque Libani

altitudine, Amiram doctissimum apud Maronitas
 Antistitem; ex Magna Græcia magnum Philosophū
 Campanellam; & multitudinē aliorum, ex alijs pro-
 uincijs infinitam. Innumerabilia item liberalitatis,
 ac magnificentiæ exempla, vobis referre haberem;
 vix de Rege, nedum de senatorij ordinis, censurę
 homine credibilia. Cū tamen, quod propius mi-
 raculo quam fidei est, ipse quadraginta millia se-
 stertiū nummū, hoc est vnciam vnā ex to-
 ta redituū summa, in hanc solam vestram urbem,
 singulis annis erogaret; quod & in ceteras Euro-
 pæ celeberrimas, eum fecisse existimandū est; par-
 tim in libros, aliaque huius generis munera, hūc
 ad amicos mittenda; partim in codices, statuas,
 æra, marmora, quæ hic in dies eruebantur; vel
 eorum saltem exemplaria, & imagines pictas fi-
 ctasue; aut in cera, gypso, vel charta madente im-
 pressas, sibi comparandas. Sed temporis me ratio;
 eruditissimi Academici; vt vela contraham, por-
 tumque tandem respiciam monet. Verumenimue-
 rò, vester iste vultuum ardor, animorumque in-
 tentio, sine dubio a me contendit, vt munus pro-
 missi omne conficiam; quo me vobis probaturum
 recepi, Claudium Fabricium longè omneis supe-
 rasse; non solū singulari in literas studio & la-
 gitate; sed quod demum maximum est, indefesso
 labore incredibilique industria, in commentando
 atque scribendo, de maximis quibusque artibus;
 quarum profectō, nullam partē intactam reliquit.
 Historiam Prouinciæ Gallix Narbonensis; hoc
 est patriæ suæ, pluribus magnisque voluminibus
 conscripsit; diligenter adeo, vt siue antiquitatem
 siue lēges, pacem, vel bella, & Reipublicæ con-
 uersio-

versiones spectes: nihil est quod in illis desideres. Nobilium eiusdem Prouinciæ familiarum origines, suæque separatim, alijs voluminibus contexuit. et cum gens Fabricia Pisis oriunda esset: vnde ante quadringentos annos, bellica laude flores, in Galliam propagata est: Pisanam, ipsamque adeo Italicam antiquitatem: cuius summus amator semper fuit: ijsdem libris præclare illustrauit. multa seorsim recondita, in commentarium referens, de Gothicis Regibus, qui Italiæ imperium obtinuerunt, ex antiquis nummis petita: sicut de Gallicis, quorum originibus propaginibusque, nimia vetustate obscuratis, maximam attulerat lucem. Omnium denique rerum, quæ magnæ ac memoria dignæ, sua ætate gestæ sunt: venustissimos, ac plenissimos scribserat commentarios. Philosophiam, cui potissimum naturali, mirificè deditus erat, suis etiam scribtis exornauit, atque amplificauit. Si quidem elegantem consecerat librum, de ludicris illis naturæ operibus, quæ certis regionibus e terra effodiuntur: scilicet de lignis rebusque ceteris, a sua in lapidis, vel aliam naturam degenerantibus: de vastis item, immanibusque illis Gigantum, vt vulgus opinatur, ossibus: quorum magnam vim, ex longinquis locis, sibi aduehendâ curauerat. multa de illis, vt erat homo emunctæ naris, falsa odoratus Plantarum vero peregrinarum: Indicarum in primis, singularem propè vniuscuiusque pertexuerat historiam: nondum tentatis experimentis illustratam: cum ipsas arbores, non solum in stirpis generis planè diuersi: sed in cornua, capita, aliasque viuentium animalium parteis, prospero euentu inleuisset. Quorum animalium naturam, modum

& pondus, vel ipsorum elephantorum, diligentissimè explorauerat: & singula eorum membra, etiā hominum, manu sua dissecuerat: oculos præsertim vastissimarum belluarum, atque cetorum: quos usque ad vltimas Gadeis, homines quæsitum mittebat. vnde cum de ceteris corporis partibus, tum de admirabili oculorum fabrica, atque munere, noua prorsus, & a hemide, hætenus visa, literis consignauit: In Mathematicis illustradis, non minus industriæ posuit: seque ad astrologiam potissimum, ætate prouectior ita dederat, vt altissimam turrim, magno illarum artium instrumento resectam extruxerit: vbi nocteis serenas, in astrorum contemplatione, peruigilabat: quorum non solum altitudines, magnitudines, vel motus diligenter obseruabat: sed in illorum materiæ, ipsamque adeo naturam, acri acie penetrabat: per vitrea illa specilla: quæ nouo ac verè coelesti inuento, remotissimas obscurissimasque rerum species, ad oculos dilucidè perspiciebant: reuocant: quibus perinde verum vltim ac nomen, inuenit Galilæus Galileus, rerum superarum atque coelestium, acer & verè lynceus contemplator, Fabricioque nostro amicissimus. Eo instrumento Perescius tam ceterarum errantium stellarum, quam ipsius Lunæ, varias facies, ac tenuissimas quasque, quæ in ijs apparent, notas & quasi maculas, sedulo inspectas, sibi depingi, ac in tabulas incidi voluit: & suas de ijs perpetuas obseruationes literis mādauit, adeo vt noster hic terræ orbis, nemini notior, fuerit, quàm fuere Perescio coelestes, præsertim illius, vt veteres Italix sapientes loquebantur, *αὐτὸς ὁ θεὸς*, cuius præterea detectiones, ipse tam obseruabat, quàm

per

per omnes Mathematicos, attentius obseruandas curabat. non ut Dex, cuius veluti alter Endymion, assiduus formæ spectator, atq; mirator erat, laboranti succurreret; sed ut urbium, portuum, atque insularum, rata certaue, & a quatuor extremis coeli cardinibus, & a se inuicem interualla, inde reperire, atque constituere posset: receptoque itinerum, atque nauigationum errores tolleret. res a solis hactenus, ijsque vno aut altero, maximis Regibus tentata: quam ad felicem exitum a Perefcio tandem perductum iri spes fuit. accuratas enim earum defectionum obseruationes, in celeberrimis veteris, nouique orbis oppidis, faciendas curauit: quarum omnium accuratissimam, atque ut Perefcij verbum vsurpem, palmarem, Neapoli a Ioanne Camillo Glorioso, homine in Mathematicis disciplinis excellenti, sibiq; amico, venisse ipse aiebat. Ad hæc autem omnia, assidue vtebatur opera Petri Gassendij, rerum coelestium atque Philosophiæ scientia, Galliæ facile primi, & Nicolao Cl. Fabricio intimi: sic ut domi per plureis annos, vnà cum ipso coniunctissimè vixerit: atque illic extremum eius exceperit spiritum. qui demum mortui. nomen atque virtutem, grata memoria prosecutus, animum ad commentarios de Perefcij vita scribendos appulit: easque partes quas olim mihi sumseram, ab homine eruditissimo, atque amicitie consuetudine, mihi maxime deuincto, præoccupatum iri lætor. immo verò etiam de ea re, æternæ Fabricij memoriæ gratulor. Operâ eius in vestra antiquitate, scribendo restituenda, præclare positam, Academici, non quo silentio, præterire: cum nulla veterum Romanorum, utensilia,

nulla ornamenta, in eius manus venerint, habuit
 porro domi pleraque, de quibus scriptum non re-
 liquerit: omnium autem vberimè, atque diligen-
 tissimè, de ponderibus, mensuris, tripodibusq; an-
 tiquorum. Ommitto alia, quæ in reliqua literatura
 effecit opera. Eius tantùm epistolas, in admiratio-
 nis cumulum addam, quæ quidem sunt ita multæ
 atque eruditæ, vt si nullum aliud scriptionis genus
 vnquam attigisset: vniuersum tamen omnium do-
 ctrinarum, & liberalium disciplinarum orbem im-
 pleuisse, dici potuerit. Nullum enim adeo præ-
 clarum vel rarum, in bonis artibus nasci potest ar-
 gumentum, de quo Perescius consulens vel con-
 sultus, ad eruditissimum quemque non scriberet:
 doctè, frequenter, & copiosè admodum, vt omneis
 omniam prouinciarum vrbeis, suis non dicam epi-
 stolis, sed voluminibus oppleuisse videatur. Atqui
 vt sciaris me nō laudatoriè, sed Latine loqui: qua-
 leis & quantas ad hanc urbem missas habeatis, exem-
 pli causa, nunc adeo ex me cognoscite. Extant
 propè innumere ad VRBANVM VIII. Pontificem
 Maximum, & Franciscum Barberinum Cardina-
 lem, illam bonarum artium cognationem, quam
 in ambobus optimis, doctissimiq; Principibus om-
 nes admirantur, complectentes. extant ad Cæsa-
 rem Baronium, & Ioannem Franciscum Vidium
 Balneum, Cardinales: Iosephum Mariam Suaresiū,
 Antistitem: Christophorum Puteanum, & Con-
 stantinum Caietanum: omneis magnarum artium
 scientia insignis: de religione rebusque diuinis:
 sicut de humanis atque historia: ad Vidum Benti-
 uolum Cardinalem, & Augustinum Mascardum:
 eius artis non solum in hac vrbe, sed in tota Ita-

lia facile principes . de naturalibus verò , ijsq; occultioribus ac magis peregrinis , ad Cassianum Puttealem , & Petrum Vallensem ; vtrumque tam huiusmodi doctrinæ , quam ceterarum magnarum rerum laude abundantem . Extant de literis quas humaniores vocant , linguisque tam veteribus , Europæis , Asiaticis , atque Africanis , quàm recentioribus , Gothica , Cantabrica , Prouinciali atque Italica ; ad Lucam Holstenium , Gabrielem Nau-dæum , Leonem Allatium , Vincentium Noguera , & Federicum Vbalinum ; viros in ijs summos , atque perfectos . itè ad Franciscum Boncompagnum Cardinalem , Vincentium Iustinianum Marchionè , Mariam Felicem Zachiam , & Alexandrum Rondaninum eius maritum , Stephanum Gualdum , & Claudium Menetrium ; homines in antiquitatis reliquijs inuestigandis , conseruandisq; diligentissimos de statuis , nummis , gemmisque veteribus . tum etià de codicibus antiquis scribtis ad summos pariter viros , Scipionem Cobellutium Cardinalem , & Nicolaum Alemannum : quos vnice dilexerat Perefcius ; huiusque demum mortui benignitatem , in aperiendis bibliothecæ Vaticanæ thelauris , vehementer postea desiderauit . Homines in omnibus doctrinis præstâtissimos agnoscitis , Academici ; qui eò libentiùs nunc a me citati , ac veluti recensiti sunt , quòd propè omnes , sicut ipse Perefcius , in hanc amplissimam lecti olim Academiam ; ordinis nostri splendorem , atque gloriam illustrarunt , atque in dies amplificant . Porro eandem , maioremque epistolarum vim , non solùm ad reliquas Italiæ vrbeis ; Patauium maximè , ad Licetum , Rodium , Argolium , & Thomasinum ; homines in artibus

tibus quas profitentur magnos : sed etiam Mantuam Carpetanorum, Lutetiam, Oxonium, Lugdunum Batauorum, Louanium, Augustam, Vindobonam, & ad alias vtriusque orbis celeberrimas vrbes, claris doctisque viris maximè florentes, perinde ac Romam, ab eo venisse existimate. Quibus quidem epistolis, non tantum Transalpinas atque Cisalpinas, sed etiam ceteras omnes Europæas, ac barbaras nationes; humanitatis, & doctrinæ commercio miscuit, atque consociauit: sic vt bonas artes, & vniuersa earum instrumenta; quæ in bibliotheca ac mente sua reposita, ad omnium vsus inde promebat; inter illas demum gentes fecerit cõmunia. Quare de Fabricij doctrinæ præstantia, aut Musei amplitudine atque dignitate; ex ipsius scriptis, ceterisque antiquorum monumentis, quæ in eius domo extant, minimè est iudicandum: sed potius sic habendum, nullas in terræ orbe celebres esse bibliothecas, in quibus celeberrimæ illius Perefcianæ, pars aliqua non reperiatur; nullos libros nostra ætate, scriptorum ad fastidiũ feraci, in lucem fuisse editos, qui non Perefcij doctrinam, sicuti nomen præ se ferrent.

FIGITE vobis animo, Academici, omniũ studiorum vnum aliquod veluti corpus, in quo Claudius Fabricius, vice fungeretur partis illius in medio quietæ, cui alendæ reliqua membra, suo labore omnia quærent; cuiusque vicissim haud segne ministerium est, nec magis alitur, quàm cetera alit: adeo vt vniuersa studij atque doctrinæ pabula, ab omnibus sibi vndique conquisita, atque congesta, insaturabili legendi, discendique aviditate vorans, & acri ad meditationem, scriptionemque ardore

dore maturè conficiens, in succum & sanguinem
 verteret; quem in omneis demum parteis, ad inge-
 niorum alimenta, pariter diuifum redderet: nifi
 potius Peréfcium, illuftris illius, atque immortalis
 corporis animam fuiſſe dicamus; quæ totum mo-
 deraretur, fingulaſque eius parteis, vi ac munime
 ſuo conſeruaret; atque auget: Numen dixi: Aca-
 demici: his enim qui ſat breuis, ſeptem & quinquaginta
 annorum, vite partem alteram peregrè, &
 in aula tranſegit; alteram in ſcudia, ad ſenatoriæ
 munera, bis quaque diè diligenter obeunda: tot
 tamen ac tam illuſtria, ſui in literas ſtudijs atque
 largitatis, ad æternam poſteritatis memoriã; mo-
 numentũ reliquit: librosque & epiftoLAS, ſopponit ma-
 nuque ſua plureis; quàm alij longævũ homines;
 & priuato otio abundantes legere ſolent: Latine,
 Italicè, & Gallicè diligenter conſcribit: is inquam;
 mihi, ſanè ſupra hominem putandus eſſe videtur.
 Hanc poſito diuinam Nicolai Claudij Fabricij Pere-
 ſcij animam, nunc mortalis ſui corporis compagi-
 bus reclusam, ſuperas fedeis capere, & in æternũ
 illa ac coeleſti domo, ætatem quam hic nobiſcum
 beatam duxit, inter ipſos diuos beatiffimam age-
 re, vos Academici Romani, exiſtimare par eſt; &
 eam omni honore, qui Heroibus tribui ſolet, affice-
 re: præterquam enim quod ſumma integritate, at-
 que innocentia vixit; præterea Romanæ religio-
 nis, ceremoniarumque maximè colens, & ad ex-
 tremũ ſpiritum retinentiſſimus fuit. pro aris de-
 lubriſque fortiter certauit: vt ad illa plurimos re-
 duxerit, ex iſto hominum genere, qui nouis at-
 que alienis obſtricti religionibus, ab hac antiquiſ-
 ſima atque ſanctiſſima declinauerunt: vel apud il-
 los, rei literariæ viros, non ſine ſpe victoriæ
 ador-

adortus. Quamobrem erga hominem, de Romana Republica, tam multis nominibus optimè meritò, in decoranda eius morte grati estote, Academici; & sicut eam, iam publica laudatione esse honorandam putauistis; ita quidquid præ ingenij, facundiaque meæ, nec non temporis angustijs; minùs ex amplitudine, atque dignitate argumenti, oratione exsequi potui; id demum in præsentia, ornatissimis, optimisque vestris versibus præstate; in posterum verò; Heroi nostro, diuturnam pro breui vita memoriam reddite: & quod ipsi gratissimum facturi estis, illius studiorum veluti hereditatem adite, & constanter tenete. Vos autem, Patres amplissimi; ad eam ad quam vocati estis Reip. procuracionem, vt excellentissimas omneis Nicolai Claudij Fabricij virtutes, maximis & in omni genere laudis eminentissimis (quales sane estis) Principibus imitandas adhibetis: pergite porro vt facitis; atque ita in primis diuinum eius studium, regalemque liberalitatis magnificenciam imitamini, in eas artes promouendas, quibus omnis vitæ honestas, elegantia, ipsaque adeo humanitas constituitur, atque continetur; nec non in homines qui eas colunt amandos, ornandosque honoribus ac beneficijs; quæ sancti illi, atque religiosi maiores vestri, in ipsos præcipuè collata voluerunt. Indignum siquidem esset eos iacere, quorum opera, atque vigilijs, summum a Deo datum, hominum generi, literarum bonum maximè viget; sed prorsus digni sunt, qui apud vos gratia, atque autoritate floreat. Si quidem principes viros, de se suisque virtutibus benè meritos, æternis scriptionum suorum monumentis, ad immortalitatem consecrant. Quare minquè audiendi sunt, quidam homines. ni-

hili, qui etsi numerus tantum in procerum aulis, & fruges consumere nati sint, illic tamen ut vacua Belidum dolia, leuitate sua versatiles, & vanitate cassum atque inane sonantes; maximas faciunt turbas, clamoresque ac risus edunt, tam in hominum literatorum ingenium moresque, quam aduersus ipsarum literarum usum, atque dignitatem. Literatis nihil innocentius aut temperantius; Patres amplissimi; ut potè qui studium & tempus omne, quod isti vel ambitioni atque auaritiæ, vel rebus ridiculis atque turpibus dant; in maximarum, optimarumque contemplatione consumunt: nec sunt ut isti vocant, difficiles aut morosi; sed acres rerum aestimatores: non contumaces & superbi; sed res homine ingenuo indignas, nec facientes nec perferentes: non obscuro; sed modesti: non denique rustici aut agrestes; sed antiqui & contrà, unde etiam artes quas profertur nomen inuenere, humani. Literæ verò, quantum non ornamenti solum, sed & præsidij in ciuitatibus bene constitutis afferant, vel ex hac vestra clarè patet, quæ ut olim afflicta, per earum neglectiorem fuit; ita nunc doctissimus sapientissimisque Pontifex verè COELESTI DONO, ac diuino munere ipsi donatus; causa est quòd viget hodie vestra Respublica, quòd floret, quòd beata est, quòd denique, cum ceteræ terrarum orbis partes, bellorum aliarumque calamitatum tempestatibus agitentur; vna hæc (quod ei Deus Optimus Maximus proprium, ac perpetuum faxit) in pace, atque in otio conquiescit.



